



Publicaziuns officialas dils 21-09-2018

Votaziuns cantunalas e federalas dils 23-09-2018 mira pagina 3 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl
dumengia, ils 23-09-2018, dallas 10.00 – 11.00 uras

Sonda e dumengia, ils 22 e 23 da settember 2018 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 21-09-2018

Biro electoral Sumvitg

habitar@giuven

Affittaziun da habitaziuns ella casa da scola a Sumvitg

Il schaner 2018 ha la cumissiun habitar@giuven presentau l'idea per transformar l'alzada sisum dalla casa da scola da Sumvitg en habitaziuns. Sin fundament digl interess demussau ha la cumissiun observau vinavon l'idea ed elaborau in project.

La suprastonza communal ha previu da realisar il project cun resalva dall'approbaziun dalla radunonza communal e d'affittar las habitaziuns naven dil fenadur 2019.

Tut las personas che han interess da prender a tscheins ina dallas habitaziuns naven dil fenadur 2019 ein supplicadas da s'annunziar tier l'administraziun communal entochen ils 19 d'october 2018.

Per damondas stat il canzlist communal (tel. 081 920 25 00) bugen a disposiziun.

Sumvitg, 21-09-2018

Suprastonza communal

Uffeci civil Surselva

Mortoris

Tuor Angelina, naschida ils 10-08-1948, morta ils 01-09-2018, stada sesenta a Surrein.

Bass Veronica, naschida ils 01-09-1925, morta ils 11-09-2018, stada sesenta a Sumvitg.

Naschientscha

Schmed Ellie, naschida ils 09-09-2018 a Tusaun, affon dad Urban e Vanessa Schmed, sesents a Sumvitg/Panaduz.

Sumvitg, 21-09-208

Controlla da habitonts

Serrada via d'uaul Crap Ner

Muort lavurs vid in tagl da lenna ei la via d'uaul Crap Ner serrada denter Salvaplauna e Crest ault per tut il traffic naven da **gievgia, ils 4 d'october entochen venderdis, ils 12 d'october 2018**. La via resta serrada sur notg e duront la fin d'jamna. A pei e cun velo eisi pusseivel da passar atras. Nus engraziein per Vossa capientscha. Tier damondas stat il selvicultur da revier bugen a disposiziun (081 920 25 06 ni 079 681 19 67).

Sumvitg, 21-09-2018

Uffeci forestal Sumvitg

Menu dalla tatta:

cun spisas tradiziunalas / mit althergebrachten Gerichten:

Dumengia, ils 30 da settember 2018

Ustria Cruna, Sumvitg

Sonda, ils 13 d'october 2018

Ustria Val, Val Sumvitg

Reservaziuns directamein ell'ustria giavischada.

Bien appetit giavischa, *Sumvitg Turissem*

Survetsch divin a Runs

Caras parochianas e cars parochians, il cussegl pastoral e ses gidonters da Rabiun envidan Vus cordialmein alla sentupada d'atun **dumengia, ils 23 da settember 2018** a Runs. Nus festivein allas 11.00 il survetsch divin en regurdientscha da pader Clau. Silsunter purschein nus la pusseivladad da gentar sil plaz. En cass da mal'aura ha la s. messa liug en baselgia ed il gentar en halla da scola a Rabiun. Nus selegrein sin Vus e schein a bien seveser. *Sur Saji e tuts gidonters*